

Коми Республикаса том войтырлөн газет



6+

ЙОЛДА

2014
йирым
3-өд
лун

39№
(1164)



Гашкӧ,
частушка сыылам?



**Тайо
НОМЕРЫН**

«Йолга» газетлön тайо номерын коми литература радeйтeсьяслы нöштa öти козин - «Ы» петас. Нимкодeсьöй, томулов, выль гижöд-кыв-бурöн да асьныд тшöтш гижöй-водзмöстчöй.

5-12
л.б.

Чолöм, «Йолга» газет! Таво Вуктыл кар пасйис асьыс тшупöда пас - комын во. И ми - Вуктыл карса мöд номера школаын коми кыв велöдысьяс - гижыштiм комиöн чужан кар йылысь. А медводз окота пасйыштны сылön история йылысь.

13
л.б.

Чайтам, зонъяслы интереснö лöб лыддыны ставмирса машинаяслön тöдтöмтор да аслыспöлöслун йылысь.

14
л.б.

«Йолгалы» тöдса нин ань, Сыктывдiн районысь Вильгорт сиктын школабör удж котыртан районыса шöринын уджалысь Светлана Николаевна Борисова, вöзйö вöчны ичöтик козин - сямöдысь роза.

15
л.б.

ТУЙЫН

Москваын куим лун



Эжва районса челядьлы содтöд тöдöмлун шöринын медбур котыръяс: «Мягкая игрушка», «Умелые руки», «Сувениры», а сiдзжö «Северина» мода театр - ветлисны Москваö челядлön кипода удж петкöдлан став Россияса ярманга вылö.

Москваö мöдöдчим асланым веськöддысьяскöд - Ирина Насоновскаякöд да Ольга Кокушевакöд. Сутки чöж воöдчим Москваöдз.

Ярмангаыс меститчöма ВДНХ-ын. Керкаыс, кытчö ми пырим, вöли зэв ыджыд, и йöзыс вöли уна. Аддзим уна тöвара палаткаяс. Асьыным вöчöм-торъяссö разöдiм куим пызан вылö, петкöдлiм «Колокольчик» видзöглысь

мастер-класс. Орчöн сулалисны Россияса мукöд регионьысь челядь. Медым нöшта на унджыкөн матыстчисны миян дорö, пасьтавлiм коми паськöм.

Медводдза лунö быдөн вермис ньöбны аслыс сувенир. Мöд луннас тöдмасим ВДНХ-өн. Пыралiм керкаö, көнi вöчöма Москвалысь ичöt макет, а нöшта мойвиис катайтчыны американскöй гөрка вылын.

Куим лун чöж «Северина» мода театр петкöдлiс паськöмсö. Шылад улö нывъяс петисны сцена вылö, а налы гораа клопайтисны - сiдзкö, ставлы кажитчис паськöмныс.

Челядлөн войтыркостса гостиницаын ми дорйим Коми Республикалы сiём презентация. Ставыс артмис. Миянлы сетисны дипломъяс, козинъяс.

Коймöд луныс вöли тыр быдсикас уджөн, экскурсияөн. Миянлы котыртисны Москва кузя неыджыд экскурсия. Кывлiм Россияса юркар йылысь уна кывбур да история, вöлим куим вокзал дорын.

Гортö мунан лунö вöли жугуль, но Москваын куим лун колялöмыс некор оз вун. Аддзысьлытöдз, челядлөн кипода удж петкöдлан ярманга!

Ульяна ГУДИНА, «СМЭЖ» пресс-центр.



06.09.2014



ВОДЗМӨСТЧӨМ

Туй вылын челядь

Таво «ШАГ» котырысь томулов нуодисны «Солнечный город» (Инта карысь 10-öd номера школа) котырса челядьлы туйвывса правилö тöдöм кузя акция, медым уськөдны тöд вылö, кызди колана ногөн кутны асьтö туй вылын.

Медводз дасьтисны «Дети на дороге» петкөдчöм. Гажыс артмис

«ШАГ» КОТЫРЛӨН КОЛАНА ВОСЬКОВ



некымын юкөнись. Медводз 2-öd класса «горожаналы» нуодисны туйвывса правилö серти сёрни. Сэссия классö юкисны кык пельö, быдөн зилис шедöдны колана балл.

Гажысь лои гөгөрвоана, мый бать-мам да велöдысьяс ёна сёрнитöны тайö тема серти ныв-зонкөд. Колис уськөдны тöд вылö туйвывса пасьяс, а бöрынджык, тöдöмлуньяс вынсьöдöм могысь, ворсыштны, тöдмавны нöдкывьяс.

Нинöм абуысь артмис паськөм

«ШАГ» котырысь водзмөстчысь томулов нуодисны экология гаж. Пансис гажыс кыпыд флешмобсянь. Сэссия ставөн юкисны кык команда вылö. Быд котырлы колис 5 минутөн кипод материалысь вöчны экология тема вылö паськөм. Водзö - серпасалисны «Природа в лесу в разные времена

года» плакат. Интереснöя коли и «Отсортируй» удж. Челядьлы вöли сетöма нель көрзина: көрт, ёг, кабала, пластик вылö. Сэтчö командаяслы колис торйöдны-пуктавны пакетын сетöм материал. А медбöрын челядь чукөртисны шыпасьясысь «Экологический марафон» кывтэчас. Ныв-зонлы гажыс кажитчис!

Тури гаж

Традицияөн нин лои нуöдны «Журавлик» акция. Водзын кө сийöс нуодисны СПИД-лы паныд сиём лунлы, то таво гажсö йитисны турилы сиём ставмирса лунлы. «ШАГ» котырса лидерьяс да «горожанаяс» перемена дырйи висьтавлисны челядьлы турияслөн оласног йылысь, вöдитчисны серпасьясөн. Козин пыдди ичöt велöдчысьяслы козыналисны тури оригами. Ставнас вöли дасьтöма 150 тури.

Оксана ВЕЛЕНТ,
10-öd номера Интаса
школаын медшöр
вожатöй.



ГАЗ

В.Т.Чисталёв нима культура колледжысь «Пелысь молясь» ансамбльлөн хореография котырыс медводдзаысь на ветліс став Россияса «Вместе мы - Россия» йöзкостса творчество фестиваль вылö. Комиысь томулöвлөн медводдза воськылыс лоис тöдчанаён - босьтісны «Йöзкостса йöктöм кузя ансамбльяс» нимпасын лауреатлысь ним.

Тверьын - КОМИ СЫЛЫСЬ-ЙÖКТЫСЬЯС

Тверьын чукöрмывліс комын сайö сьылысь-йöктысь делегация. Котыръяс волісны Санкт-Петербургысь, Карелияысь, Ненеч автономия кытшысь, Белгород, Брянск, Владимир, Воронеж, Иваново, Калуга, Кострома, Курск, Липецк, Москва, Орёл, Смоленск, Тамбов, Псков, Рязань да нöшта уна мукöд областысь.

Йöзкостса котыръяслы вöлі мый петкöдлыны фестиваль видзöдысьяслы. Обрядъяс, йöзкостса ворсöмъяс, хореография боксянь пуктöмторъяс, сьыланкывъяс, частушкаяс - ставыс тайö юргис ыджыд сцена вывсянь. Петкöдчысь котыръясöс донъяліс жюри, кытчö пырисны нималана войтыр. Юрнүдіс жюриён М.Пятницкий нима канму академической хорлөн художественной веськöдысь, Россияса Президент бердын культура юкөннын Сöветö пырысь, Россияса йöзкост артистка Александра Пермякова.

«Пелысь молясь» ансамбльысь йöктан сямсö жюри вылö донъялöма. Но та йылысь йöктысьяс да налөн велöдысьяс тöдмалöмаось сöмын медбөръя лун-



нас нин, фестиваль тупкигөн. Буретш тані и нимöдöмаось став вермысьсö.

- *Татшöмсяма фестивалыяс вылын петкöдчöмысь ёна тöдчана, - пасійоны колледжса велöдысьяс. - Ми, кызди номер пуктысьяс, сюся видзöдам мукöдглысь воём котыръяс вылö, налөн петкöдчыны кужöмлун вылö, артистичность вылö. А студентъяс донъялöны ассыныс кужöмлуннысö, велöдчöны вильторйö,*

тöдмасьöны ас кодгöмыскöд.

Коми Республикаын олысьяс нимсянь ыджыд аттьö «Пелысь молясь» ансамбльын йöктысьяслы, художество юкөнөн веськöдылысь Т.Т.Пупышевалы да балетмейстер О.В.Просужихлы фестивалын вермöмысь. Окота, мед и водзö вылö республикаысь котыр петкöдчис Россияса сцена вылын колана ногөн да локтіс гортас виль вермöмъясөн.

Миян корр.





4 №

октябрь 3 лун

2014 во

Ар сьөлөм тіпкөм

Му бердсыс неуна вылітіджык эм туй - раддунлөн туй. Сійө туй вылас сямман кө сувтны - пондан аддзыны олөмсыйс раддун, а он кө вермы кыпөдчыны, ёнджыкасө - шог.

Олөмсө радейтөм вермас сөмын кыпөдны мортөс раддун ордым вылө... да нөшта на мөвп либө ыджыд мог.

Талун раддунөн меным лои арся вөрө ветлөм. Пуяс дорын сулалышті чөв - видзөді, кыдзи быд здукө

то тани, то эстөнджык усьө пу вылысь өтка кор. И тадзи быд здукө гылаө корйыс, бытттьө кодкө тыдавтөм эм да ки помсыс өтикөн-өтикөн лэдзалө корсө сынөдас.

Восьлала югыд корйөн вольсалөм вөрті, синъя тшак, а аддзала сьөлөмъяс - пипу тайө эновтөма-чуктөдөма ас бердсыс... Кыдзи нө өні сійө сьөлөмтөгыс?..

А кок дорын кыськө лои өтка жебиник катшасин. Тшапа сулаө. «Чолөм!» - ляпкөдча сылань. А сійө мөвпыштчөма мый йылысь кө. Колө жө тадз вот, арын чужны. Регыд нин лымъялас, и катшасин оз и удит олыштны.

Но пуяс вылын корйыс зэв на уна... Оз кө тайө лунъясө пөльышты төв ныр да оз кө гылөд өтпырйө өдва нин кутчысысь став корсө...

А кутшөм кыпид вөрыс шор сайын. Бытттьө вичкоө пыралі да петі сэсь мөд мортөн.

Чужис көсйөм мөвпалыштны олөмсө, чукөртны зарни корсө ки тыр, и чим гөрд корйыс мед на пөвстө веськаліс эськө. Мед вөр-ва сьөлөмыс тіпкыштіс-олыштіс ме кыын. Көть сизим здук.

*Елена АФАНАСЬЕВА.
Снимокыс Евгений КОЗЛОВЛӨН.*



ЙОЛТА

Корсьöй радейтана гижысьöс



Меным чйтсьö, мый тайö му вылас йöзыс зэв öткaöсь. И кор тайöс ачым ёся кыла - босьта лыддыны радейтана поэтлысь кывбурьяссö. Шуам, Анна Ахматовалысь. Кор лыддясылысь кывбурьяссö, кыла, кызди сылөн сёлöмыс тпкö. Мейн.

Таво мен мойвиис ветлыны Киров областьса Советск карö. Тайö карыс зэв важ, мича. Сийö кужöма видзны кадсö. Сэтчö воём бöрын, медводдза луннас, ставсö йиджтi лолам. И шензи, и радлi. Пöтiс сёлöмöй. А сэсса гажтöм лои. И эг тöд, мыйөн вевттыны тыртöмлунсö. А сэсса юрö воис мöвп: пыравлыны сэтчöс библиотекаö да вашкöдчыны кад пырыс Анна Ахматовакöд. Кори книгасö библиотекарлысь. А сийö другысь шемöсмис менам кывьяс вылö. Сылөн чуймöм видзöдласас юалöм вöли: тэ лыддьян Ахматоваос?! Кывтöг гөгөрвои сийöс. И нöшта öтчдысь кори ассым радейтана поэтöс. Сийö здукас Анна Андреевна мен донаджык на лои.. И весиг окота лои мырддыны библиотекасыс став небöгсö сылысь. А библиотекарыд водзö ассыс долис и мырдөн вöзйис мен лыддыны Дарья Донцоваос. Дзыкöдз скöрмöдiс. А сэсса дöзмöппырысь сетiс лыддыны радейтана поэтöс. И тэ тöдан, дона лыддысысь, тайö здукыс мен медся шудаөн кажитчис. А рыгланьыс, помнита, му вылас бузгысис зэр, и сылөн лöнь музыка улын пöттöдз сёрнитi Анна Ахматовакöд. Быд кывбур сылөн - мездiс, дöмлiс лолöс зарни сунисөн. И ме ачым зэрыскöд бöрдi. Войбыд. Зэрсö öд синвасыс некод оз торйöд.



Луньясыд Советскад öдйö и колисны. Колисны паметьö мелi гөлөсөн. И тшöкыда на кывла сийöс...

Сыктивкарö воём бöрын олöмыс козыналіс виль туй. Арся туй. Коми гижысь Елена Афанасьева шуис меным, мый эм позянлун ветлыны Емдiн районса Казлук сиктö. Тайö сиктас ёна радейтöны роч гижысь Александр Пушкинöс. Весиг памятник сылы сэнi эм.

Сентябрса шондiа лунö машинаөн мöдöдчим сэтчö. Куимөн ветлiм Казлукö: Николай Шукин, Елена Афанасьева да ме. Шондiа вöли луныс! Машинаыс быгтö миянöс нуöдiс гожöмö, сöмын арыс удитöма пуяссö мавтны уна-уна рöмөн! А пельсыс гөрдсыс-гөрд! О, Енмö! Татшöм мичсыс весиг йирмöгалiс!

Казлукса школаö воём бöрын юим пым тшай

да мунім кывзыны, кыдзи велөдчысыя лыддьоны А.Пушкинлысь кывбурьяссө. Ывлаас ыркыдкодь вөлі, но челядыс час кык кымын выступайтисны. Быд гижөд Александр Сергеевичлөн вайис ставонлы, ме думысь, сьолөмас шоныдлун. А ми Пушкинөс лыддим комион. Миян Республикаысь уна гижысь, вөлөмкө, комиөддөма сійөс. Тшөтш висьгасим асланым творчество йылысь, төдмөдм кывбурьяснаным. Велөдысыя, челядь зэв нимкодпырысь кывзисны коми кывсө.

Мен кажитчис, мый татчөс школаас ставыс йиджтысьөма Пушкинөн, весиг лөсьөдөмаөсь поэты торъя жыр. И сэтчө сы йылысь быдторсө чукөртөмаөсь. И книгаяс, и сылөн творчество серти уджъяс, серпасъяс.

Велөдчысыя зильоны и асьныс гижны кывбурьяс. И кор дзоляник нывка-зонкаяс лыддисны кывбурьяснысө - лолыд кынмыліс. Налысь быд кыв, сьолөмсыныс чужөм кывсө, төвруыс арся вижөдөм корьясыскөд нуис ыло-ыло... И коді төдас, гашкө, Александр Сергеевич найөс кывзис.

Александр Пушкинлы сійөм лунысь ловным тырис радлунөн. Сөмын татшөм классикъясөн верман пөтны. И бара сійө здукас казтышті Киров областьса Советск карысь библиотекаын уджалысьсө. И вензи ськөд мөвпнам, варовиті ськөд. И эг гөгөрво, мыйла сэки сійө вөзйис лыддыны Дарья Донцоваөс. Гашкө, и тайө гижысыс мыйөнкө кодлыкө аслыспөлөс. Но ме ог гөгөрво тайөс... И тэ, муса лыддысысь, куж корсьны радейтана гижысьтө. Сійө тэн век отсалас. Кывйөн. Кывйыс - медся вына енма-муа костас.

Меным Александр Пушкин тшөтш лои дона поэтөн. И Казлукса арся луныс выль ловшылысь өдзөс восьтис сьолөмам...

Любовь АНУФРИЕВА



Галина Бутыревалон кывбурьяслы йолӧга

Нималана гижысь Галина Васильевна Бутыревалон, «Арт» журналса шӧр редакторлон, сентябрьн вӧлі чужан лун. Став сьӧлӧмсянь чолӧмалам сійӧс тшупӧга пасӧн да аттьӧалам «Лито-Арт» котырtnы мӧвп сетӧмысь. Ми лӧсьӧгim Галина Васильевналон кывбурьяс выло йӧлӧгаӧн ассьыным кывбурьяс. Медводз найӧ юргисны Коми Республикаса искусство гимназияын «Удора-чи» концерт-агдзысьлӧм дырйи. А ӧні тӧгмӧдам наӧн и лыддысьысьясӧс.

«Лито-Артӧ» пырысьяс

«Чернам. Ӧшым тӧлысь. 31-ӧд лун...»
Галина БУТЫРЕВА

Алёна ШОМЫСОВА

Потан

Рудзӧг рӧма потан
дзуртан лайкан помын
катликасьӧ-легӧ,
бытьӧ ветки пыж.
Потан-пыжсӧ кыксӧ
гыяс-вояс вомӧн
нэмӧвӧйся вӧтлӧн
гумыльга кодъ кытш.

Тайӧ вӧтыс кывйӧн,
важся пӧль-пӧч кывйӧн
лайкан пукӧд дзуртӧ
кагаыслы мойд.
Тайӧ вӧтыс тывйӧн,
кодзув сера тывйӧн
Енкӧласьыс ӧктӧ
ыджыд мӧвплысь войт.

Кагаыслы мӧвпыс
сьӧлӧм шӧрӧдз сӧдзӧ,
Разалӧ лов пасьта
пӧль-пӧч кывлӧн вын...
Сӧмын воысь воӧ
потан-пыжыс ӧддзӧ,
кытчӧдз важся вӧтлӧн
помӧдзыс оз сын.



Пыж. Мария РУБАНОВИЧ.
Ю.А. Спиридонов нима
«Коми Республикаса Юралысь бердын
искусство гимназияын»
6 «в» классын велӧдчысь.

Ольга БАЖЕНОВА

Менӧ колльӧдіс бать,
Арся зэрыс кодъ шог,
Шуис, синвасӧ дойпырысь веніг:
- Гортӧ ӧдйӧджык лок!
А мен шӧпнитіс бадь:
- Енӧж гортланьӧ ордымыд векни.


Коми мунымлӧн мич,
Коми кывнымлӧн от
Аслыс ышӧдіс сьӧлӧмӧс сетны:
- Менӧ видзас нӧ код?
Лӧня казьтыштіс кыдз:
- Енӧж гортланьӧ ордымыд векни.

Сьӧлӧм колаын ме
Видзи тӧнӧ вой-лун,
Югыд син водзад кевмыси-бӧрді:
- Муса Енмӧй, эн мун!
Менӧ окыштін Тӧ:
- Асьтӧ козьналысь ордымыд векни.

(Тайӧ кывбурсӧ Ольга гижис
Галина Васильевналон
став творчество дорас)

«Стоило
маленькому музыканту
заиграть на флейте
соло из оперы Глюка «Орфей»,
я в тот же миг
вспомнил Её,
Мелодию моего детства...»

Галина БУТЫРЕВА



Любовь АНУФРИЕВА

Сійö ворсіс мен пиониоён
Франсис Лейлысь
муслун йылысь шылад.
Шыладыс вайöдіс
ю дорö.
Ва дорас паныдалі йöзöс –
чöвлунсö кутысь йöзöс.
Ме кутчыси налы киас,
быттö дзольдырйи...
öні тайö лöсъявтöм,
дерт, меным
верстьöлы нин...
Кад вомён
налён нимъяс
лоины кевмысян кывйён.
Накөд паныдасьöмысь –
йирмöгаліс...
и лолöй
тёпыштис юас
синва вöйтөн.
Мыччысьöм шондіыс
югöрнас гижтіс
ва вылас
ордым...
А сэсся ставсö
сиптіс зэр.
Радейтöмлөн зэр.
Сійö ворсіс мен
муслун йылысь
шылад.
И ме бөр локті
сы дорö...
ю дорысь.
Ен мегыр увті.



5

*Югöрөн югзьöдöм ю. Максим МИХАЙЛОВ.
Ю.А.Спиридонов нима «Коми Республикаса Юралысь
бердын искусство гимназияын» 6 «в» классын велöдчысь.*



«Шондібан» этноклуб



Талун, кор коми кывйӧн сёрнитысь войтырыс вочасӧн чинӧ, кор мукӧд сиктса школаяс ӧтдорчӧны коми кывсӧ чужан кыв моз велӧдӧмысь да вуджӧны кокньӧдӧм уджтасъяс вылӧ, кор тшӧкыда коми бать-мам сёрнитӧны челядьныскӧд рочӧн, а ӧткымын том йӧз яндысьӧны комилунсьыс, чужан кыв да чужан му радейтысь-лелькуйтысь мортлӧн тӧдчанлуныс содӧ. Збыльвылӧ коми морт кыпӧдӧ-нимӧдӧ коми кывсӧ да коми культурасӧ удж вылын, гортын, мукӧд йӧз пӧвстын и татшӧм мортсӧ кывзӧны, босьтӧны сы вылысь пример да радпырысь мунӧны сы кок туйӧд.

Татшӧм морт пиысь ӧтиӧн, ме серти, позьӧ шуны ыджыдвидзса школаын коми кыв да литературара велӧдысь Эльвира Александровна Старцеваӧс, кодӧ дас во-

ысь дырджык уджалӧ сиктса челядькӧд «Шондібан» этноклубын. Меным окота лои сёрнитыштны велӧдыськӧд этноклуб удж йылысь паськыдджыка.

- Эльвира Александровна, мыйла Тіянлы окота лои босьтчыны челядькӧд содтӧд уджӧ?

- Окота лои котыртны тайӧ уджсӧ, сы вӧсна мый ачым школаын велӧдчигӧн ветлӧдлі татшӧмсяма кружокӧ нималана велӧдысь Агния Васильевна Габова веськӧдлӧм улын. Нывъертъяскӧд сьӧлӧмсянь пырӧдчим музей котыртан уджӧ, корсялім важ кӧлуй, та могысь ветлӧдлім пӧрысь йӧз ордӧ, заводитім туявны Ыджыдвидз сиктлысь вылӧмсӧ. Велӧдысьным кужис миянӧс кыскыны ас бӧрсяыс. Агния Васильевна лӧн челядькӧд уджыс и ышӧдіс менӧ котыртны этноклубысь удж.

- Кор пансис «Шондібан» этноклуб?

- 2002-ӧд воын ме котырті фольклор кружок, кытчӧ радпырысь котралісны ыджыдвидзса ныв-зон, пырӧдчисны коми культура туялӧмӧ. Вочасӧн челядькӧд уджыс паськаліс, фольклорӧн тӧдмӧдӧм кындзи содіс уна нырвизь да лоис позянлун фольклорнӧй кружок подув вылын котыртны дзонь этноклуб.

- Кутшӧм арлыда челядь воывлӧны этноклубӧ?

- Занятияс вылӧ ёнджыкасӧ волӧны шӧр да гырысь класса челядь. Но тшӧкыда этноклуб уджӧ пырӧдчӧны и поснияс.

- Кутшӧм шӧр нырвизьяс юканныд асланыд уджын?

- Посниджык челядькӧд ми тӧдмасям коми фольклорӧн. Коми сьылӧм-мойдӧмъяссянь воӧдчам важ коми оласног туялӧмӧдз. Гырысьджык класса челядькӧд пырӧдчам ас му туялан уджӧ. Бурджык уджъясӧн петкӧдчам быдсикас районса да республикаса конференциясын. Та кындзи, тӧдмасям коми гижысьяскӧд да налӧн гижӧдъясӧн, дасьтам литературалы сиӧм гажъяс. А дас кык вонд Ыджыдвидздын татшӧм гажыс вӧлі уна! Сідз, ныв-зонкӧд ӧтвылысь пырӧдчим коми кывбуралысь Александра Мишарина лӧн да «Би кинь» журналлӧн тшупӧда пасъяслы сиӧм гаж котыртӧмӧ, коми гижысь Алексей По-

повлөн да том кывбуралысь Алёна Старцевалён выль небөгъяс нимодомо. Этноклубо ветлысь челядь и асьныс видлоны гижны кывбур-висьтъяс. Кодсюрё йозодчисны нин челядьлөн газет-журналын, отувъя гижод чукоръясын. Ого кольёй бокё и кипом удж. Отсасёны миянлы отуввез, газет-журнал либо кужысь киа йоз. Сюмодысь велодіс вочасьны Геннадий Иванович Попов, а акань-видзөг гартлыны - Нина Станиславовна Макарова. Радейтам отсасьны ас сиктса йозлы да вөр-валы: весалам лоп-ег сикт гогор, пелькодам олома йозлысь жыр, чоломалам висьысь челядьос чужан лунён, пес поткодлам да пес тэчам вермыгом йозлы, дасьтам ас киён чоломалана гижодъяс Ыджыд тышса ветеранъяслы, гажодам детсадса челядьос. И оз ков некодос мырдон кыскыны. Быдон радпырысь отсасё ас сиктлы!

- Окотапырысь-о ныв-зон волевлоны занятияс выло?

- Этноклубо челядь волевлоны ас косийом серти, а сидко, окотапырысь. Нимкодь челядьлы сэки, кор налөн уджыс конко тыдовтчо. Налы, коды вирас пыро коми культуракод йитчом уджыс, быд паныдасигон юасёоны, кор чукортчам да мый кутам вочны занятие вылын, кутшом конференция либо конкурс вылын позяс петкодчыны. Менам казялом серти, челядь вывти сёлөмсянь заводитоны 5-7 классьясын уджавны, лоньыштлоны 8-од классын и бор зия босьтчоны уджо 9-10 классьясын.

- Тян чайтом серти, мый челядьлы медъёна кажитчо вочны занятияс дырйи?

- Ныв-зон медъёна радейтоны сцена вылын петкодчыны бать-мам, сиктса йоз да госьтъяс водзын. Найо радпырысь сьылоны, кывбуръяс лыддьоны, йоктоны, пьесаяс да мойджывъяс ворсоны. Дерт, комиён! Челядьлысь окотитомсо казялоны и мукод. Ыджыдвиддысь кындзи ми петкодчим нин Н.М.Дьяконов нима музейын, Корткеросса шор лыддысянинын, С.Я.Маршак нима челядьлы лыддысянинын.

- А кутшом отувъя удж Тянлы медъёна воис сёлөм выланьд?

- Оти порйо ыззылим да ас киён вуром-кыом коми сера паськомон во быд петкодчим сиктса сцена вылын, лосьодим сидз шусяна этномода. Челядьлы аслыныс ёна кажитчис и ертъясныс бура вочаалсны коми паськомто. А меным таысь кутшом нимкодь!

- Эльвира Александровна, а кутшом мытшодъяскод Ти паныдасинньд удж нуодигон?

- Медшор мытшоднас этноклуб уджын верма шуны сьом тырмытомлун. Медым вочны кипом удж, колё дора, сунис, шорт да уна мукодтор, а сьом та выло некод оз сет. Дерт, ми котыртлам ярмаркаяс, коні сиктса йоз ньобоны вочомторьяссё, но тайо сьомыс некытчо оз тырмы. Унджыксё лоо ньобны ас тшот выло. Шуам, тадзи лои вуродома челядьлысь сцена вылын петкодчан коми паськом. Сьом колё и ветломъяс выло. Мед петкодчыны орчча сиктъясын да карын, лоо нуодны челядьос бать-мам сьом выло. Агтьо бать-мамлы, кодыяс гогорвооны мытшодъяснымос да отсасёны миянлы. Но тшөкыда овло, мый кагаыс окотито ветлыны, а бать-мамлөн сьомыс абу, сэк лоо нуодны кагасо ас тшот выло либо не босьтны сийос аскод. А тадзи лоо быттьо увтыртома кагасо, кусодома косийомсо. Ме сэтшом рад, кор миянлы мойвио петавны туйо ыджыд котырөн, сьом мынтытөг. Кыкысь школаса дзонь автобус тыр тадз петавлим, отчыд Коми йозодчан керка тшот улё ветлим, отсасьло та боксянь и Корткерос шор лыддысянин.

- Юксьой гуся мовпьяснад?

- Гуся косийомой менам зэв уна. Оти-ко, косяя велодчыны кыны важ кысян станок вылын джодждора, а сэсся велодны тао челядьос. Бара жо позяс сьомтор нажовитыштны водзо удж выло. Мёд-ко, косяя дасьтыны ыджыд проект этноклублөн удж подув вылын, мед совмодны-бурмодны уджос. Коймодко, пыродчыны челядькод Александра Петровна Мишариналөн школаса музейын пельос дасьтомо. Гашко, та бoryн, кывбуралысьлөн рөдвужыс ко оз лоны паныд, позяс осьтыны Александра Петровна-лысь керка-музей. Од ачыс на ань корко юксис мекод косийомнас, мед сылөн керкаас корко лоас музей...

Со тадзи, коми кыв радейтысь да пыдди пуктысь йозыслөн примерыс ышодо орччясос видзны-лелькуйтны чужан кыв, совмодны коми культура. Эльвира Александровна кодь войтырыс пуктоны подув чужан кыв видзөм-совмодомо, аддзоны вын да кад уджавны коми кыв дор. И сы кадё, кор татшом йозыс вывтыртоны чужан кыв отдортысьяс вылын, коми кывным кутас овны-юргыны да ылодз нимавны нэмсо!

Сёрнитіс Алёна НЕСТЕРОВА



МИЯН ГӖСЬТ

Кӧрткерӧс районса Ыджыдвидззысь «Шондібан» этноклуб.

Полина СТАРЦЕВА

Зарни шонді

Зарни шонді дзирдалӧ,
Ышмӧм синнас ёрӧ,
Чужӧмбанӧс донӧдӧ,
Менӧ ворсны корӧ.

Вежсис ставыс ывлаын,
Лои лӧнь да жар.
Ловзисны тай дзоридзьяс,
Бытьӧ уна шар.

Рам пу здукӧн долыдмис,
Восьтис унзиль син.
Лэбач пуксис пу вылӧ,
Дзольгиг сьыланкыв.

Вот ӧд кутшӧм гожӧмьд:
Югьд, пӧсь да шань.
Мен тэ, муса шондіӧй,
Бытьӧ мелі ань!

Ыджыдвидзным миян гажа,
Та йылысь ме тӧда важӧн.
ӧшинь улын кисьмӧ оз,
Вӧрын быдмӧ лапья коз.
Ваын уйӧ ыджыд сир,
Дзоридзалӧ катшасин.
Вӧр-ва быдтор сетны дась,
Ог мун некытчӧ ме тась!



Шонді. Максим МИХАЙЛОВ.

Ю.А.Спиригонов нима «Коми Республикаса Юралысь бердын искусство гимназияын» 6 «в» классын велӧдчысь.

Виктория МАКАРОВА

Кодзувъяс ӧзйисны, юр весьтӧ ӧшйисны.
Кисӧ мем мыччисны, сёрнитны кӧсйисны.
Тӧлыськӧд ворсисны нюмъялігтыр,
Кусисны-бырисны коркӧ... дзик пыр.
Лои мем гажтӧм... Пырысьтӧм-пыр
Котӧрті гортӧ. Мӧвпала дыр:
Кӧні нин кодзувъяс, мыйсӧ нӧ вӧчӧны?
Узьӧны? Шойчӧны? Енэжын вӧчӧны?
Вольпасьӧ воді, синъясӧс куни,
Чайтсис, мый накӧд баитны куті.
Лои ме шуда кодзула войӧ.
Вӧтъясӧн енэжӧдз на дінӧдз волі.



Редколлегия :

Елена Афанасьева, Юрий Лисовский, Любовь Ануфриева,
Галина Макарова, Григорий Хатанзейский.



Чолөм, «Йөлөгә» газет! Таво Вуктыл кар пасйис ассьыс тшупода пас - комын во. И ми - Вуктыл карса мөд номера школаын коми кыв велөдысьяс - гижыштим комион чужан кар йылысь. А медводз окота пасйыштны сылөн история йылысь...

1962 вося март 23 лунө заводитисны тані вөчны биару перьян медводдза скважина. А 1964 вося октябрь толысьö судзöдисны медводдза биару. 1967 вося августын нин кутисны нюждöны биару труба, а октябрын Вуктылöс пасйисны республикаса карта вылө посёлөкөн. 1975 вося февраль толысьö артмöма Вуктыл кытш. А 1984 вося август толысьö Вуктыл лои нин карөн.



Вуктыл карлы - 30

Ме - вуктылса

Чолөм! Меным дас куим арöс. Ме - вуктылса. Велөдча Г.В.Кравченко нима мөд номера шөр школаын. Таво менам чужанінлөн тшупода пас. Вуктыл ичөт войвыв кар, местичöма Печера ю дорын. Кар шöрас эм паськыд изэрд, Ленины памятник, небыын сулалö вичко. Эм фонтан, лыддысянін, бурдöдчанін, куим велөдчанін, вит да öкмыс судтаа керкаяс, челядь парк. Менам карын эм нималана да тöдчана войтыр: кывбуралысь Матвей Тукалевский, композитор Анатолий Погребнюк да Сöветскöй Союза Герой Геннадий Кравченко. Менам чужанін водзö быдмö да сöвмö.

Андрей КУРЯТО

Вуктыл - менам чужанін, радейтана кар. Вуктыллөн история заводитчö 1962 воссянь, медводдза биару скважинасянь. Тані уна во нин перйöны биару. Ме серти, Вуктыл и водзö на лоас ыджыд да мича карөн.

Игорь АДАЕВ

Ме радейта Вуктыл. Менам чужанін-оланін ыдждö да сöвмö. Эм уна судтаа керка, художественнöй да музыкальнöй велөдчанінгяс, мича фонтан. Вуктыл кытш мича вөр-ваөн, нималö «Югыд ва» национальнöй паркөн. Миян карлы колöны бур туйяс да Печера ю вомөн пос.

Алёна ЛИТВИНОВА

Вуктыл - менам чужан кар. Карсö нимтöма Вуктыл ю ним серти. Важ коми шуöm серти, артмöма кык кывйысь: вук - шуйга, ты, тыл - нюр, артмö «шуйгавывса нюр». Öнйя Вуктыл - мича, югыд кар. Тані олö зиль, шань, варов войтыр.

Рената ЗУБКОВА



Челядгыльсь гижöдгяс чукöртис Вуктыл карса мөд номера шөр школаысь коми кыв велөдысь Вера Витальевна ФЕОФАНОВА.



ВОЛОМКО

Чайтам, зонъяслы интереснö лоö лыддъыны ставмурса машинаслөн тöдтöмтор да аслыспöлöслун йылысь.

А мыйла эськö абү «Жигули»?!



*Британияса AC Cobra спортивнöй машина патентуйтöма сідз шусяна выхлоп шысö. Компанияса директор серти, шыыс (дизайн бöрын) торйöдö спортивнöй машинасö, а местасянь-ыс 100 километраöдз став машинаыс öткодя кымын мунöны-öддзöны.

*ГАЗ М-20 сикас машина медводз нимтöмаöсь абү «Победа», а «Родина». Нимсö вежöмаöсь Сталинлөн шмонитана юалöм бöрын: «Но и уна-ö Рöдинлөн доныс?»

*Номеръяса пас медводз пунктöмаöсь вöла-доддя вылö. Бöрынджык нин сэсса машина вылын сійö лоöма. Медводдза машина знак сетöмаöсь Мюнхенын 1899 воын, сэсса 1900 воын - Парижын, 1901 воын - Нью-Йоркын, 1903 воын

- Лондонын. Номерын шыпас медводз пасйöмаöсь 1901 воын Берлинын: озыр морт корöма пасйыны номерас радейтана пöлыслысь ним, вич, ов шыпасъяссö, медым нимкодъ козин вöчны.

*Сöвет кадся «Жигули» заводитöмаöсь вузавны суйöр сайын «Лада» ним улын. Сы вöсна мый Франция, Италия да Испания кывъяс вылын «Жигули» матыс «жигало» кыв дорö.

*Британияса öти страхуйтан компания тöдмалöма, мый глушитель тшыкöдö шоперлысь пельсö вонас 2-3 прöчент вылö.

*Машинасысь медся кузь «пробка» - 200 километра кузьта гöгöр - вöлöма Париж да Леон костын 1980 воын. Неуна ичötджык, 180 километра кузьта, артмылöма 1993 воын Гамбург дорын.

*Космосö лэбöм бöрын Юрий Гагаринлы козьналöмаöсь сьöд «Волга». Номерыс сълөн - 12-04 ЮАГ (космосö лэбан лунлөн да ним, вич, овлөн шыпасъяс). Мукöд космонавтыслөн машинасын ЮАГ шыпасъяссö кольöмаöсь, а вежсьöма сöмын лыдпасыс (лэбан луныс).



*Финляндияö вузалан «Лада Калина» машиналөн нимыс - Lada 119. Финн кывсянь кö вуджöдны «калина» кывсö, лоö: «грымакылöм», «клонгöм», «шумитöм».



*Сідз шусяна форсаж режимын, двигательыслөн медвылыс оборот дырйи, Aston Martin Vantage машиналөн шыыс кылö 6 километра сайсянь.

*Audi RS 4 машиналысь выхлоп шысö лöсьöдісны шыяс гижан студияын зільысь профессионаляс. Спортивнöй машиналөн колö пö юргыны таdzi: улиас - бас, шöрас - тенор, а вылиас - сопрано. Звукорежиссёр пасйöма, тайö пö абү ковтöмтор, öд таdzi машиналөн артмö «гöлöс».



«Коми йёзöдчан керка»
Коми Республикаса
автономной учреждение,
«Йöлогa» газет
редакция.

Адрес:

167982, Сыктывкар,
К.Маркс улича,
229-öd керка,
401-402 кабинетяс.
Тел. 24-12-22, 24-36-49.
E-mail: Yologa@mail.ru

Веськöдлысь
В.В.ПОПОВ
Гл.редактор
Г.В.МАКАРОВА



Газет панысь:
Печать да юөр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юөр сетöм да
культураса озырлун видзöм
кузя оланпасьяс
збыльмöдöм бöрся
видзöдысь федеральной
службалöн Беломорской
управлениеын.
Регистрирутан пас:
ПИ №ФС 3-0686.
Социальной тöдчанлуна
гижöдьясö йöзöдöма «Коми
йöзöдчан керка» автономной
учреждениеылы печать да юөр
сетан КР-са агентствöөн
вичмöдöм сьöм вылö.



Редакцияын
уджалысьяс:
ТОМ йöзлөн мытшöдьяс
юкөнөн веськöдлысь –
Надежда Пунегова;
письмö юкөнөн
веськöдлысь –
Екатерина Микушева.



Медводдза лист бокас
снимокыс
Вероника
Нестеровалөн.



Авторьяслөн мөвпьяс оз
пыр лöсявны редакциялөн
видзöдласкöд.



Тираж – 488
Гижöдчан индекс – 52099.
«Йöлогa» газет петö
1991-öd восянь
вежоннас öтчyd, комиөн.
Доныс сёрнитчöмөн.



Печатьö кырымалан кад:
график серти – октябрь
тöлысьлөн 1-öd лунö
16 часын; кырымалöма
печатьö 16 часын.
Газет печатайтöма
«Коми республиканской
типография» ООО-ын дась
оригинал-макетьясысь.
167610, Сыктывкар,
В.Савин улича, 81
Заказ №

**Мастер-
КЛАСС**

«Йöлогaлы» тöдса нин ань, Сыктыведін
районысь Вильгорт сиктын школабөр удж
котыртан районса шöринын уджалысь

Светлана Николаевна Борисова вöзийö вöчны ичöтик козин
- сямöдысь роза.

Вöчачи роза

**Вöчöм вылö колö дасьтыны:**

сямöг, веськыда да зигзагөн вундысь ножиच्याс,
бедь (позьö ичöтик пу шампур), шила, ручка-
карандаш.

Медводз вöчам сідз шусяна заготовкакяс. Сямö-
дысь вундалам коръяс да дзоридз вöчöм вылö пря-
моугольникяс. Вöчам öти квадрат. Таысь сёрöн-
джык артмöдам чашелистик. Ыдждасö позьö бөр-
йыны аслыд. Медым розаыд мичаджык вöли, позьö
сямöдыслөн рöмнас «ворсыштны»: шуам дасьты-
ны куйм еджыд да нель пемыдджык рöма прямо-
угольник.




Зигзаг ножич отсöгөн вундалам коръяс. Роза вылö
дасьтöм прямоугольниксö кусыньтам шöри, сэсся
мöдысь.

Та бöрын вундам чашелистик.

Сэсся виддам вöчны бусинка - роза шөр мичмö-
дантор. Та вылö вундöм прямоугольник кодь вöсны-
дик визьсö куснялам квадратяс вылö да сэсся бу-
синкасö быгттьö кыам, медым артмис мыйкö кизь
сыма.

Та бöрын киö босьтам водзвыв дасьтöм бедь да
«тэчам» дзоридз. Медводз сямöм коръяс, сэсся ча-
шелистик, сийöс кутыштам ичöтик гöгыльöн, ме-
дым оз пышйы, а сэсся артмöдам роза да медбö-
рын мичмöдам сийöс сямöдысь вöчöм бусинкаөн.

Со и артмис мян мича да шензьöдана дзоридз.
Ташöм розаясысь позяс артмöдны быдса букет,
кодй некор оз вошты ассьыс мичсö да быд лун ку-
тас нимкодьöдны синьястö.





Е.М.Кряжевская



О.В.Пинягина



Е.Ф.Нестерова



В.Ф.Иванова



Э.А.Старцева



А.А.Кряжевская

*Пыдди пуктана
да дона велодысьяс!
Чолөмалам Тiянөс
Велодысь лунөн!
Аттё Тiянлы кывкутана
да колана уджсьыныд.
Сиам крепыд дзоньвидзалун,
уджын виль вермөмьяс,
ыджыд терпенньö,
шань, кывзысьысь
да водзмöстчысь челядьöс.
Тi пыр колянныд миян сьöлөмын
шаньён да пыдди пуктанаён.*

*«Йöлöга» газет редакцияын
уджалысьяс.*

А нöшта на ыджыд аттё да муөдз копыр кöсьям висьтавны «Йöлөгаса» ёртьяслы - сиктса велодысьясслы, кодьяс ыджыд пай пуктöны, медым быдмысь томуров лыддисны коми газет, кодьяс пыр ышöдöны пырöдчыны челядьöс уна сикас конкурсö, да кодьяс асьыныс уна во нин судзöдöны да вöдитчöны урок выланыс «Йöлöга» газетөн. Со тайö водзмöстчысь аньясыс...